

Taitus

¹ Njai Pol, Anut san urat tamol ipilianag go Jesus Kristus san aposel njilasa ya. Inŝan pilianek tamolpein sad ilo rumok an ilasa wak, agod maŝau a ru rumok san an lo id Anut san kagin turi tupanip tator o ipilianag a. ² Ilo rumok maŝau da yan sad fun man, kumaen pempem san tinjane wan san tini ganek an id ilod lo yen da. Anut inŝ sewak tamol tia ya. Saen tan en gamugo ilasa dugo kumaen a ipanad an ninjen o promis igane ya. ³ Agod saen a ipiliani an lo inŝan ru an kuai isip yen a. An njaisag ru fulalek lo ago igane ilasa ya. Anut idsad binawek tamol inŝan ru kagin ibol an lo urat an njai banig lo igane ya.

⁴ O Taitus, oŝ njaisag nanug mok igo ya, oŝsa ilo rumok maŝsama da naon kisaek a. Bai Anut inŝ Jesus Kristus idsad binawek an da inŝad ilo panek, maror da dupanop oŝ da amado wa.

Taitus Krit nui lo urat igane ya

⁵ Saen njai Krit nui na oŝ njibisawo man fun igo ya. Urat awan atna yan muruan anda ya, amaiak kubune itout o njibisawo ya. Ago dop imug njurupaio ago mi midaeŝ ilon lo panu kisaek kisaek atem matu pilianai idu wa. ⁶ Aria, midaeŝ ilon lo matu pilianai man tamol naok igo ya. Tamol inŝ ninjen o ru ta dubol na da, agod inŝ iwon kisaek a. Inŝan nanun muroun ilod lo rumok ak, agod inŝ tinad tamad awad paen na mi dumado wa. Ago gug inŝan nanuk silei tinadi dop man, inŝ urat tamol ta imado na wa. Kabelan nanuk fud saian an lo

tamad diabi idu banau. ⁷ Man dugo, midaen san kagin panek tamol man sad turen lo tamolpein in lo muruan ta dile na da. Man ata wo, in Anut san urat tamol. Fun an ninen o in kabunan ta sakar na wak, tinan ta saian kisaek on na wak, in you sakar ak ta iluk na wak, agod wagai gidigheid ta igane na wa. In dal saiak saiak lo filian inane wo ago ta igane na wa. ⁸ Tia, in kagin uyan ak mi igane wo imat ak, tamol asau ipalu dop kagin ipani uyanan a. In tamol kankan uyanan anda wak, in tamol itaot ak, in tamol gun ak, agod in sen ulum an yabi dop sen tinin kagin ipani uyanan an ilon a. ⁹ In ru uyanan a gubak mi dupitenanad go ilod tupani dan mi yabituani wa. An lo pitenanek a uyanan an san manau ka ipitenanai sinjakaan a, agod tamolpein a in san awan lo dipirgini dan in san pitenanek uyanan an lo awad yafutani wa.

¹⁰ Man dugo, id lulunad lo tamolpein wei mi naok igo ya, in silei digane dak, in ru kawan dininen da, agod sewak tinadi, nek a mulun san doup ama ya. ¹¹ Tamol naok ago yak on awad wafutani wo uyanan a. Man dugo, insad ninen lo pitenanek saian ak tamolpein dukubiai pidinai dop lo filian dinane wo ago digane da. An lo in tamolpein sad samun dukubulai da. ¹² In siganed profet ta igo ibol, "Krit tamol man pempem sewak digane da, in bor gown saidi ak igo ya, agod dam tunalek tinadi a." ¹³ Agod ru an ru rumok a. Amaiak ninen o ru dabai anda nam pidai dop lo inaned ilo rumok an dukubunep itaot a. ¹⁴ Kabelan in kududod dugure dop Juda adi sad am rumok tia yan diganuri boi, tia, tamol a ru rumok patud

dupani dan sad ru kagin duri banau. ¹⁵ Tamol ikok ak inſan ilo sou lo mel an fidian ikok a. Ak man tamol a ilon lo ta ikok na yan, agod ilo rumok an tia yan, inſ lo mel fidian nun a. Tamol naok an inſan kankan, inſan manau lo sen malan isue ya. ¹⁶ Inſ awad lo Anut dulonſ ago dubol da, ak man inſad kagin naok naok lo inſigned ru an sewak ru mi kuai te id dukubiai panad da. Inſ saiadi geig a. Awa parsisalek tinadi ak, agod inſ mel uyan ak ta digane ilasa san dam ta idaisuda na ya.

2

Midaenſ ilon lo urat tamol urat uyan digane san ru kagin

¹ Aria, Taitus, onſ melmel uyan a pitenanek itaot ak san dal lo uyan ipani dan mi pitenanaip dulonſ a. ² Tamol busumak rupidai dulonſ dop kagin uyan ak mi digane dop tamol mok onſ dumado wa. Inſsed ulum ad diabi uyan ak, inſ ilod lo rumok pe itaot ak, ilo panek amad da dumado wak, agod dam muruan funfun lo dutur sakar a.

³ Nek ago mi pein busumak rupidai dop Anut naon na dumado dak igo wonſ kagin uyan ak lo mi dumado dutor a. Inſ uf ru ta dubol na wak, agod you sakar an ulum ad ta yabi na wa. Inſ kagin uyan an mi tamolpein dupitenanai a. ⁴ Ago dop pein kubakan nſied murna an dile dop inſaned tamol niſnedi wo dumat ak, inſaned nanuk dam niſnedi wo dumat a. ⁵ Agod inſsed kagin ipidinai dop madok gun ak lo mi dumado wa. Inſ pein uyadi, inſaned ab kagin dupani uyan ak, agod inſaned tamol awad paen na dumado wa. Ago dop kagin an lo talpein ta Anut anen ru yabi idu san tia ya.

⁶ Nek ago mi tamol murna yak dam sed tinid kagin dupani uyan ak ninjen o ru kagin pidinai a.

⁷ Onj onjsa madok itaot an gane ilasa, an lo onse mok onjane tura murou mitilaen uyanan an kubiai dile dop inj dam ago digane wa. Anut anen ru ubol itaot dan ninjen o kagin gane wa, ago dop ru saian ta awa lo ilasa san tia ya. ⁸ Onjsa ru man tamolpein ibinawai san mi ubol ilasa wa, ago dop an lo pirginek tamolpein miai ifu wa. Inj mel saian ak ta dilep ate id Kris tamolpein dupaiad san tia ya.

⁹ Urat bigabeg adi rupidai, injaned urat fidian digane dan lo, inj tamad awad paen na dumado dop lo ilo uyan dupidinai o maeg digane wa, ago dop tamad awad lo ta dipirgini na wa. ¹⁰ Injaned tamadi an san mel ta digam na wa. Tia, mel fidian lo inj awa yabek kagin mi digane da. An lo injsad kagin naok naok a digane na yan lo Anut idsad binawek an san pitejanek bala dupani wa.

¹¹ Onj ago pitejanai a, man dugo, Anut san ilo panek kuai tem tamolpein fidian malad lo igane ilasag dile ya. Injsan ilo panek an lo idsad aupasek naon tisini wan lo ipasad injiliad a. ¹² Injsan ilo panek an lo manjau ipitejanad a, an lo kagin fidian a Anut kagin igo tia yan patud tupani da, agod tan san mala bulbal an fidian “tamoi ak” ago tabol a. Agod dam an iduduwad pe idsinaned ulum ad tabi uyan dop, idsad madok tan en lo tiganep itaot ilasa dop, Anut san kagin turi tupanip ago tator a. ¹³ Ago dugo mel uyanan a ilasa wan ninjen o mala nouk tumado da, mel an man Tubud Jesus Kristus idsad Tubun, agod idsad Patu Pasek tamol, an injanen girager aman da tan en lo ilasa wa. ¹⁴ Injsen id

abed lo muruan isini a, an lo idsad aupasek fidian an san naon lo ipasad injiliad tamul a. Agod in wagen lo idirad go ikok tilasag inſan tamolpein mok tumado da. An ninen o urat uyan uyan ak mi tigane wo yaes isofutanad a.

¹⁵ Aria, ru an tamolpein pitejanaip dulon a. Tan suek ru pidinai ak, agod kudo bek ru lo dam pidai dop satuanai a. Talpein enti on tamol kawan ak ago ibol dop dabai ganep awan wafutani wa.

3

Kagin uyan ak lo tatur sakar a

¹ On tamolpein kankan igo pidinai a. In gabman san tamol gurman agod tamol yanad anda yak sad awad paen na dumado wa. In awa yabek tamolpein ago mi dumado dop, kagin naok naok uyanan mi digane wan san tawan diganep dumado wa. ² In talpein ta patun fo uf ta digane na wak, dida nug ta dupei na wak, aenta ninedi wo ilo sou digane wak, agod dam fidian malad lo inſad kagin mos an digane ilasa dop dile wa.

³ Imug id dam njeo tigane na ya. Agog awa parsisalek san kagin lo tumado na ya. Ilo rawek san kagin an lo dal saian ak turi se ya. Ilo imasa san kagin, agod tinid tufutuwi san kagin, an sad urat pinein tumado se ya. Siai kagin lo tumado na ya, agod aenta siganed mel o teil saiadi se ya. Aenta id lo siai digane dugo id dam nug nug lo siai tigane se ya. ⁴ Ak man saen Anut idsad binawek inſan ilo panek agod ilo munanek tan en lo kuai tem ilasa yan, ⁵ id patud ipasi a. Idsad kagin itaot ak ta tiganep lo na in ago igane man

tia ya. Tia, inſiganen ilo muſanek lo na id inſiliad a. Inſan Awan Urgan iganeg id foud tilasa woſ an man ibol ifulanad go ikok tilasa yak oſ a, dal amaiak lo patud ipasi a. ⁶ Inſ Jesus Kristus idsad binawek an lo Awan Urgan tubun mok id lo iwatik idu ya. ⁷ An lo inſan ilo panek lo iganeg inſ malan lo itaot tilasa ya. Ago dop an lo id inſan nanuk mok igo woſ filian a ikubune panad la yan tinane wa. Id kumaen pempem tumado san tinane wan ninen o malan tigane tumado da. ⁸ Ru an ru rumok a. Agod ſaisag ilo sou lo ru an dabai nam ubol ilasa dop, tamolpein a Anut o ilod rumok an kagin diganep mel uyan uyan digane san o tinid dupani wa. Kagin naok ago yan uyanan a, agod an mi tamolpein fidian ilod lo nuſon iganep ilasa wa.

⁹ Ae tugtog burau ak riſani wa. Agod saruwak san kubiaek, sumiaek sensen dam patu pani wa. Ae tugtog Moses san kubiaen ninen o yan fidian dam nek ago mi gane wa. Man dugo, kagin naok ago yan ilo rumok adi ibinawai san tia ya, agod nuſon tia ya. ¹⁰ Talpein ta midaen luluſad lo gilek gidigheid igane tap, kudon wabi. Gug inſ nek ago mi igane yau tap, fon kududon wabi da wa. Aria, inſ imoi go kagin saian an mi igane yau tap, patu pani. ¹¹ Man dugo, oſ ulon ak tamol naok ago yak sen ikubulig saian idug inſan aupasek tinin lo awan isa ya. An lo inſen yabi idu ya.

Ru wadan

¹² Murnap ſai Atemas boi, tia, Tikikas boi oſsa na ſigane ipalu wa. Saen inſ ipalup ilasa tap, oſ maeg ganep dal ta ulep Gris san taun Nikapolis na wau a. Man dugo, ſai ilog ibol dak madid san

saen lo ηai ante ηumado wa. ¹³ Aria, oη fon Senas kubiaen san maηau tamol inη Apolos da turenη fun digane wo dan o kagin pidinai a. Inη mel ta lo katuk adi tap, oη binawai a. ¹⁴ Oη Kris tamolpein piteηanai dop kagin uyan ak wagai an digane wa. An lo saen talpein ta muruan ile tap, inη dibinawi uyan a. Kabelan inηsad ilo rumok an nuηon an tia banau.

¹⁵ Tamolpein fidian ηai dadi mumado dan oηsa na ilo uyan ru digane ipalu da. Oη ilo rumok adi a niηema wo dumat dan ilo uyan ru inηsad na gane yau. Anut inηanen ilo panek aη fidian da ka amado wa.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 22 Feb 2024 from source files dated 31 Aug 2023

757b3e4e-2023-5b45-893a-ee9294ddeb9d